

大佛頂首楞嚴經正脈疏卷第十九 稷九

明京都西湖沙門交光真鑑述

⑤二兼示阿難阿難本是當機以此疑接附滿慈問中而起故曰兼示也分二⑥一阿難躡佛語而執因緣此阿難第三番疑

稷九

因緣也最初第一於顯見超情科中疑見性不由因緣第二於圓彰七大科前疑萬法不由因緣今此第三乃疑證果成道何亦不屬因緣有果無因誠大可疑意蓋聞佛久排因緣而語中又帶因緣既說因緣又言何籍修證故起斯問是則前疑性相今疑因果矣分三⑦一起問

卽時阿難在大衆中頂禮佛足起立白佛

⑧二正問又復曲分爲四⑨一躡牒佛言世尊現說殺盜淫業三緣斷故三因不生心

中達多狂性自歇歇卽菩提不從人得

現說殺盜淫者依天如作畧牒業果而意該世界衆生若是則業字應是等字之誤而緣字卽是分別非卽指殺等業也此說極好以滿慈三業絕無豈佛更說令斷之

乎⑩二證成怪問

斯則因緣皎然明白云何如來頓棄因緣

首二句證成佛言現說因緣下二句怪問

既說因緣何又頓棄而言迷妄無因何籍修證以至多明今教不屬因緣耶⑪三昔

教有益

我從因緣心得開悟世尊此義何獨我等年少有學聲聞今此會中大目犍連及舍利弗須菩提等從老梵志聞佛因緣發心開悟得成無漏

首二句自受益也世尊下他受益也梵志者西竺出家者之通稱謂其有清淨志行者也經載目連等最初於途中相遇波離迦葉等聞說生滅四諦因緣開悟信從然後見佛成羅漢果也④四今濫自然

今說菩提不從因緣則王舍城拘舍梨等所說自然成第一義

觀今說二字即指現說無因本空歇即菩提何籍修證等語而為頓棄因緣之意不必取前文也外道自然如八萬劫後自然成道猶如纒九極處停止皆自然不假修證之意也正問已竟⑤三結問

惟垂大悲開發迷悶

意謂約佛之言則仍帶因緣究佛之意則頓棄因緣今請決定仍是因緣耶必非因

緣耶決一則不迷悶矣⑥二如來拂深情而責執恪又二⑦一就喻拂情又二⑧一拂情伸意又三⑨一即喻揆情

佛告阿難即如城中演若達多狂性因緣若得滅除則不狂性自然而出因緣自然理窮於是

即喻者即取前喻揆情者揆度阿難兩種情執也如云汝所謂因緣自然者今且就前狂喻以推之汝必謂狂性云理窮於是者言汝不過執此為因緣為自然出此二

理窮

三

途則情盡理窮也大意忖度阿難之意而先以按定下方破也此但說喻若約法中須得無明因緣滅除菩提自然而出若此則本空本有二意俱失全成兩種執情矣⑩二雙拂二計又分為二⑪一約頭雙拂

約頭者法中益指菩提不墮二計也又二

②一拂自然

阿難演若達多頭本自然本自其然無然非
自何因緣故怖頭狂走

首二句標定頭爲自然也本自其然者牒
上句意猶言既是自然也無然非自者猶
云無非自然也言其常應自然而有不得
驚其忽無而發狂也未二句卽詰問其何
故忽驚無頭而狂走乎因緣亦只是故字
意不取照鏡但表其既狂便不屬於自然
而已法中謂本性若屬自然衆生卽當常
自見性不復有迷淪者今何故復有迷而
馳背者乎可見菩提不屬於自然也大端
破自然只破自然切不可謂以因緣破自
然交破卽屬矯亂如前辯也②二拂因緣

又二④一對詞反詰

若自然頭因緣故狂何不自然因緣故失

文雖雙舉實惟獨重因緣語雖帶狂實惟
獨約頭辯若自然頭者頭本先有也因緣
故狂者照鏡因緣而遂怖無頭也若此則
全非真因緣何以故若實因緣何不此頭
元自然有照鏡因緣遂真失乎必真失其
頭而後爲真實因緣也法中如云若菩提
妙性先自然有而後假無明因緣背馳不
見遂謂此性全屬因緣卽當真失其性方
信因緣不妄今何不由因緣真失乎詰令
自審也④二正結其非

釋九

四

本頭不失狂怖妄出曾無變易何藉因緣
首二句是申其正意以結定頭在不失而
無端狂怖妄謂無頭而已末二句是出其

非爲因緣如云正當妄怖無頭之時而本頭實無變易及覺有頭狂歇之後而此頭何假因緣法中含云性本不失無端迷背似失而已然正當迷背似失之時而本性實無變易及見性破迷之後此性何假因緣哉此亦破因緣只破因緣非以自然而破因緣也大約言此頭若是自然當無狂怖此頭若是因緣當須真失今由有怖故非自然又由無失故非因緣以法詳喻歷然可見但是雙非決無雙是若用互破則前墮是因緣後墮是自然故曰矯亂觀後文尚須重重遣盡豈此中反令雙非而番成雙是乎④二約狂雙拂約狂者法中益指無明不墮二計也分二⑤一拂自然本狂自然本有狂怖未狂之際狂何所潛

第九

五

本狂自然者若狂本出於自然也本有狂怖者言卽當本來常有狂怖也下二句詰問可知若以合法則未狂之語法喻難齊良以喻中真有未狂之際法中實無未妄之時若爾當墮無明有始之過只可義取之云清淨本然之中妄何所潛如諸祖謂空劫以前亦是義立而已⑥二拂因緣不狂自然頭本無妄何爲狂走不狂自然者若不是狂出於自然也又說首二字顛倒應是狂不自然卽反說因緣耳蓋此句先以番成因緣下二句方躡上詰問以破之也頭本無妄者卽同頭本不失也未句正詰問也法合當云若謂妄非自然而有因緣然性本不失何因緣而背馳乎雙拂二計一科已竟⑦三躡伸已意

若悟本頭識知狂走因緣自然俱爲戲論是故我言三緣斷故卽菩提心

此卽躡上破辭而重伸已說歇卽菩提之意首句是躡上約頭雙拂而悟頭之非自然非因緣也次句是躡上約狂雙拂而知狂之非自然非因緣也下二句接云若如是解則二計俱爲戲論而全無實義矣法合當云若悟覺性本具又知無明本虛二計誠爲戲論矣以上躡前結束已定是故下就伸已意也如云由是二俱戲論之故我故前說但使三種分別戲論之緣斷除卽眞菩提心矣良以法執未除者於三種相續不忘分別正是戲論前云不隨分別者所以止絕戲論耳戲論止而無明無依菩提離障不眞何俟哉拂情伸意已竟

六

六

二疊拂諸情分三①一先出兩重生滅又二②一約菩提出生滅

菩提心生生滅心滅此但生滅

承上言三緣斷故雖卽菩提而不可更作生菩提想何以故若菩提心生則生滅心滅此則仍是生滅之心非眞菩提心也③二約自然出生滅

滅生俱盡無功用道若有自然如是則明自然心生滅心滅此亦生滅

承上言不但此爲生滅之心縱使滅生俱盡無功用道亦不可更生自然想何以故若自然心生則生滅心滅此亦全是生滅之心非眞無功用道也此重更難察識故下偏喻之先出兩重生滅已竟④二喻明自然非眞

無生滅者名爲自然猶如世間諸相雜和成一體者名和合性非和合者稱本然性

承上問言何爲自然猶是生滅良以計無生滅爲自然者蓋對彼生滅之不自然而立非真本有也若以喻明正如世間因雜

覆元

和成一體者名和合性對此和合而遂將非和合者稱本然性則此本然二字元是對待番顯增立之法豈本有哉本然卽自然也④三極盡妄情方是

本然非然和合非合然俱離離合俱非此

句方名無戲論法

本然卽自然就喻而用也和合卽因緣取類而稱也本然非然者本然與非本然也和合非合者和合與非和合也合然俱離者和合與非和合固俱離也本然與非本

然亦俱離也若單遣則反淺於前句矣離合俱非者離與不離又復雙離之也此離合的合字不與和合的合字相干蓋是對離說合故卽不離也末二句方許其真無戲論矣蓋遣之又遣以至無遣方契真無功用道真菩提心也是由識知狂走則因不墮於二計覺悟本頭則果不墮於二計而真無功用卽真因也真菩提心卽真果也故知阿難此番之辨全辯因果也就喻拂情已竟⑤二切責執恪分二⑥一抑斥戲論又二⑦一直斥就着戲論舊說世尊教阿難歷劫勤修不可徒恃多聞如是則與前何籍劬勞肯緊修證意相矛盾若約對位淺深則博地凡夫豈得一超直入若約多聞寄斥則因緣六度寧免塵劫曝腮

當知不捨戲論歷劫無功能捨戲論何須
歷劫必謂捨戲論而又當歷劫則不籍劬
勞之語終乖前後矣請詳今解本意自見
復分爲二⑧一判果難成

菩提涅槃尚在遙遠非汝歷劫辛勤修證

首句智斷二果號也承上如云據汝所執
所問則極果尚在遙遠非汝歷劫辛勤所
能修證意謂縱經歷劫修行亦終不能實
證也此且斷定難成下科方出其所以也
⑧二出其所以

雖復憶持十方如來十二部經清淨妙理如
恒河沙祇益戲論

蓋言我所以斷汝歷劫難成極果者正以
汝雖憶多經本皆離戲論而清淨證了義
之妙理汝反取之以資益戲論所以難成

釋九

八

也意謂若能遠離戲論則歇卽菩提尚不
藉於劬勞亦何有於歷劫難成哉直斥耽
著戲論竟⑨二現證戲論無功又二⑩一
自全無力

汝雖談說因緣自然決定明了人間稱汝多
聞第一以此積劫多聞熏習不能免離摩登
伽難

言其若憑自己多聞全無道力可免淫術
之難也⑪二仗咒方免

何須待我佛頂神咒摩登伽心煙火頓歇得

釋九

九

阿那舍於我法中成精進林愛河乾枯令汝
解脫

夫乘佛咒力一時頓證三果超斷見惑八
十八使進斷思惑欲界九品故曰成精進
林勝多曰林以其進速而證多故以稱也

報居不還不來欲界故曰愛河乾枯欲愛
溺人無異瀑河故以喻也夫阿難固是權
人登伽亦不定實但一見多聞無功示居
初果一顯咒力功大速證第三義無不盡
至於一期勝會見解俱圓本皆信位而但
依小稱者取其名位勝而令凡小生敬美
耳抑斥戲論已竟⑤二激修無漏又分二
卯一正勸勤修無漏
是故阿難汝雖歷劫憶持如來秘密妙嚴不
如一日修無漏業遠離世間憎愛二苦

常不開演曰秘密不可思議曰妙嚴一日
者番上歷劫也無漏業者捨權歸實遠離
戲論行起解絕入無分別即不漏落於戲
論分別而已若以下文取之即須反聞自
性所謂將心持佛佛何不自聞聞也初不

漏落於循聲以次而深重重脫之重重無
漏矣憎愛現對摩登耶輸何須立釋且阿
難既示初果但就初果論之教載須陀洹
人隔生多婬後有畫瓶之悔又羅漢斷愛
而憎習全在如淨明會上天花著身是也
夫憎習被縛如獼猴推粘求脫若是則潤
生之根柢尚在何用他說況在婬室時既
稱將壞戒體足顯救之遲而未必不壞也
何待隔生至於遠離功亦非淺約戒則須
身心俱斷先以絕愛斷性亦無後以絕憎

後元

十

約定慧則須寂照舍空摩登在夢至此豈
惟但無憎愛亦乃情器俱超而更妙能轉
物矣⑥二更舉劣機激責分三⑦一單舉
登伽破障
如摩登伽宿為婬女由神咒力銷其愛欲法

中今名性比丘尼

宿爲婬女四字具舍三障宿爲業障也婬習煩惱障也女身報障也故下文銷其愛欲則煩惱障已破名之以性則業障已除作比丘尼則報障現轉顯咒力能破三障障消性顯故成性比丘尼也④二兼與耶輸同益承上文所謂三障既開不證何俟故此科顯益又分二⑤一開悟益

與羅睺母耶輸陀羅同悟宿因知歷世因貪愛爲苦

女身之報全由慾愛深重今緣宿命開通洞知累劫苦本皆因貪愛而悔悟深切也

⑥二修證益

一念薰修無漏善故或得出纏或蒙授記激勸之旨偏屬此科前責阿難不如一日

覆九

十一

修無漏業今出二苦今舉劣機一念薰修

卽得出纏受記正相應也上二句二人之修也薰修無漏者乘悔悟心止貪愛水不外流逸一念迴光湛居性定恒無漏落也下二句別言二人之證也出纏是登伽所證卽出貪愛纏縛若約三果卽如愛河乾枯之解授記是耶輸所得已證四果法華蒙記成佛號具足千萬光相如來進證應入住位矣兼與耶輸同益已竟④三詰責阿難自欺

如何自欺尚留觀聽

承上言耶輸女身已爲劣弱而登伽婬女更是下劣此等劣機今尚以一念薰修卽皆高證而汝以丈夫根智徒守多聞淹於下位自欺云者蓋現見薰修有益而不修

明知戲論無功而固執留者戀也觀聽卽見聞也尚留觀聽者言尚戀見聞分別而耽著戲論也當知阿難此番辨問最有關要良以前旣排盡因緣後復將談修證若一向有修有證則違前自言若一向非因非緣則廢後修證此誠聖言宛似互違而不可不辨也今明真本無變猶夫頭本無失而何有實修實證固非一向墮於因緣也又明妄之現迷猶夫狂之現起而豈終無修無證亦非一向墮於自然也由是則知斯經無修無證固不礙於有修證而有修有證仍不礙於無修證也前後之文無復矛盾之可議矣其旨亦甚微妙也哉問答辯効已竟②二大衆領悟感謝此科通結前滿慈阿難等銷疑悟理也以答滿慈

之後尚無領悟之文故知此科非單結阿難因緣之問也分二③一領悟
阿難及諸大衆聞佛示誨疑惑銷除心悟實相身意輕安得未曾有

示誨總承前正答滿慈及兼示阿難之文而言惑除者通指正答中萬法生續性相圓融轉難中何當復起何因有妄及兼示中頓棄因緣五重深惑皆除也心悟實相者按前文佛慈許說科中所謂真勝義性一乘寂滅場地真阿練若正修行處是則

續九

十一

初句實相總名也次句實相果地也未句實相因地也法華以實相爲體一乘因果爲宗正乎斯義答中生續本空及性相無礙卽寂滅場地不隨分別及遠離憎愛卽正修行處而實相炳然昭著矣通前更論

有三處表顯實相一者十番示見之尾佛
責聲聞不達實相則下談離三見妄及四
科藏性卽皆顯實相也二者七大之前許
令當來修大乘者通達實相則下談七大
徧周及阿難承示開悟處皆顯實相也三

要

主

者卽此處經家敘衆已悟實相逆知說後
二藏一大科中全以發揮實相如上所解
也若揀差別則前二顯實相常徧後一顯
實相圓融矣又當知就心性謂之如來知
見統萬法謂之一乘實相是可見法華渾
標名字此經方以釋義我故曰斯經乃法
華之堂奧也輕安定相也定慧互倚故躡
慧成定頓銷麤重戲論得無分別迴光湛
然渾一實相法華所謂其心安如海是也
極慶其聞所未聞故曰得未曾有滿慈至

此方到究竟無疑感地而阿難亦從此更
不復疑因緣自然矣④二感謝又二⑤一
感謝之儀

重復悲淚頂禮佛足長跪合掌而白佛言

重復悲淚者以前悲淚雖多感悟猶淺此

則所悟旣徹而悲感益深故標重復耳⑥

二感謝之言又爲二⑦一稱讚善開

無上大悲清淨寶王善開我心

清淨卽智也讚佛爲證極悲智利樂無盡

之寶王善開心者言我等惑妄重封權宗

固閉佛善令其開通而豁然見諦也⑧二

詳申謝益

能以如是種種因緣方便提獎引諸沉冥出

於苦海

首三句申上善開之意如是指上之詞種

種因緣者推妄發真微細因緣非世間和合麤相也方便卽善巧也提謂提撕以警其迷執獎謂獎勵以振其疲怠末二句謝其深益引謂誘掖沉謂陷溺冥謂障蔽苦海謂憎愛二苦海也此固謝前而語意首

獎九

十四

標重復悲淚末望究竟出苦亦所以啟後修門矣自滿慈發問至此復爲一周名無生無礙周良以阿難於三卷末承佛破妄顯真之示而開悟者但初悟所執之妄初見所遺之真故方謝其銷我倒想隨請其更除細惑故四卷之初滿慈代舉生續圓融之二問而佛答初問則深窮萬法始於無明而本空無生答次問則圓彰性相是佛菩提知見而融徹無礙與夫三番轉難則審除細惑無餘而無生無礙之旨愈明

矣故曰無生無礙周也奢摩他文齊此已盡又當知前周初明二執分別純屬悟境此周搜抉二執俱生兼啟修意良以細惑要因修所斷故又若結歸性定則前周中談空如來藏以直指自心本具妙定之體極顯其常住周徧此一周中談後二如來藏乃至圓融三藏以詳發自心本具妙定體用極顯其無礙圓融此卽十方如來得成菩提妙圓真心不假修習如如本定三名中卽妙奢摩他而徹悟此者卽微密觀獎九照也又此心此定一切衆生乃至權小悉不測知所以錯亂修習終無實果故於經題四實法中正屬如來密因也而舊註謂見道分者亦齊於此餘意在下周中說奢摩他令悟妙心本具圓定已竟○二說三

十五

摩提令依妙心一門深入此科次答阿難妙三摩提之請也蓋據經文於建立義門科下即親命名妙三摩提向後通一大科徧稱二摩提號或三摩地但梵音小異耳乃至二十五聖無不云然故今首判屬之然舊註科爲修道理雖不差義亦小濫按天台判圓住同於別地方謂真修而住前未全許爲修也今圓通根之初解始得人空正在信位蓋是似修而未入真修舊註判此爲修而判後爲證豈此無位而後無修耶況此中明以前之性定妙心喻爲華屋而圓通方喻入門足見升堂入室更在後修諸位也應知此科論修尚在修之初門論證不無證之初位以圓通功就亦信滿而入住也是則謂此科全該修位固不

可而謂此科一無證位猶不可也是故今科按定屬三摩提而遵經標一門深入庶乎其離彼二過也不知具眼者以爲何如分二②一選根直入前已屢明此經所以異於權小者惟在用根而不用識故前顯真始於根性今談修證惟選本根證入圓通也又分三③一阿難說喻求門證入又四④一述領佛旨又二⑤一領開心之旨世尊我今雖承如是法音知如來藏妙覺明心徧十方界含育如來十方國土清淨寶嚴

覺

夫

妙覺王刹

上言善開我心此方敘述心開之相亦總攝上科二周全分開示之力明心體圓融包含周徧今所述心徧十方即徧意含育寶刹即包意表其於此信解無疑成大開

悟矣⑤二領勸修之旨

如來復責多聞無功不逮修習

逮及也逮此乃見請修實爲順佛之旨也

⑥二正喻須門

我今猶如旅泊之人忽蒙天王賜與華屋雖

獲大宅要因門入

宿陸曰旅宿水曰泊春秋係王於天譯者

準用指人主也迷心如常棲旅泊開心如

忽賜華屋卽喻上徧界舍利之心屋必得

門可居心亦假門始入此方舉喻下科乃

合喻而求門也⑦三求佛指示二⑧一普

求入大之路

惟願如來不捨大悲示我在會諸蒙暗者捐

捨小乘畢獲如來無餘涅槃本發心路

蒙暗卽宮牆外望畢竟也乃究竟必欲得

竟

十七

之誓不中止也無餘涅槃者以小乘止斷

四住見思尚餘五住如來權許有餘涅槃

猶如化城今欲進趨五住究竟盡之寶所故

求導師舊由之路也合前華屋正欲得門

而入之矣⑨二別求有學總持

今有學者從何攝伏嚧昔攀緣得陀羅尼入

佛知見

別爲有學而更請者正求初心方便要使

具足五住無明者亦得入門也向下圓通

先得人空道場方許一果蓋可見矣嚧昔

攀緣卽無始來我法二執分別承前開示

已悟知見而不能入者二執障之也故須

攝伏之陀羅尼解見二卷一念總持三藏

圓入之法也後文一念反聞不勞諸觀乃

至寂滅現前知見卽入矣⑩四拜懇候教

作是語已五體投地在會一心佇佛慈旨

⑤二如來教示一門深入分四⑥一分門以定二義又二⑦一欲開修路又二⑧一標所爲之機又分二⑨一令在會者安心爾時世尊哀愍會中緣覺聲聞於菩提心未自在者

佛慈雖云普爲而二乘猶爲當機故特舉之意兼有學非獨無學也回小向大卽二乘發菩提心未自在者卽不得其門而入者也⑩二令當來者發心

及爲當來佛滅度後末法衆生發菩提心

此衆生不獨凡外亦兼小乘與上科互影畧也⑪二明所說之法

開無上乘妙修行路

無上乘卽一佛乘然理實一乘同教猶爲

段九

十八

有上而一乘別教方爲無上妙修行路卽

下耳根圓通欲開修路已竟⑫一建立義門分三⑬一標示又爲二⑭一本其發心勤求

宣示阿難及諸大衆汝等決定發菩提心於佛如來妙三摩提不生疲倦

小乘原於五百由旬中路疲倦而戀止化城今如已滅化城決定進趨寶所故不復疲倦妙三摩提卽趨寶所之路也⑮二教其究心義門

應當先明發覺初心二決定義

卽從本覺而發始覺也初心卽最初起修之正念也決定者卽定見定依無猶豫也⑯二徵起

云何初心二義決定

⑤三分判又分爲二⑥一決定以因同果澄濁頓入涅槃義以因同果四字便是第一決定之宗澄濁等便是此宗之趣也蓋言所以必欲因果相同者以因果不同則不能澄濁取涅槃也經文顯然可見然此

發

十九

一義文短而義長義長者蓋直至如來斷果究竟極證也又此雖因果雙舉而意在畧明果證之遠非比小教化城之果僅止圓圖之七信亦非比始教曝腮之果僅止圖之二行也由彼皆以生滅識心爲本修因而因果不同故不能遠趨佛之常果是故先須說此第一決定也此旨妙甚分三⑦一正令審觀又分二⑧一令剋體審觀剋體直就因果而加研窮也又三⑨一標本回心

阿難第一義者汝等若欲捐捨聲聞修菩薩乘入佛知見

菩薩乘者非墮三乘乃一乘之圓頓也佛知見詳現三藏科中⑩二令審同異應當審觀因地發心與果地覺爲同爲異

⑪三反決必同

阿難若於因地以生滅心爲本修因而求佛乘不生不滅無有是處

不生不滅卽涅槃妙德四德中舉常爲要明生滅因不可以成眞常果也⑫二令閱

世例觀閱世者旁觀萬法以例推也分二

⑬一令閱世

以是義故汝當照明諸器世間

以因也是義者卽因果須同之義也此句躡上起下照明世間者徧觀常無常品於

中審察也此句畧標下科方以詳教觀法也④二今例觀又分爲二⑤一觀有作必壞

可作之法皆從變滅阿難汝觀世間可作之法誰爲不壞

要九

二十

首句促舉諸有爲法次句佛先斷定盡屬無常品類所謂如夢幻泡影也阿難下教今詳觀驗其是否也⑥二觀無作不壞然終不聞爛壞虛空何以故空非可作由是始終無壞滅故

首二句借例虛空發明常品次二句更以徵釋無作爲因末二句斷定畢竟不壞也此但借虛空爲例意明欲求不壞因心須取無作之性不應復用生滅心也生滅即指識心無作妙性即根中圓湛不生滅性

也正今審觀已竟

大佛頂首楞嚴經正脉疏卷第十九

音釋

航都舍切 劬其俱切 効胡得切 疇陳留切
音耽 音衛 恆入聲 音酬